



Broj: 05-50-1-2356/14  
Sarajevo, 24.10.2014. godine

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

DNEVNIŠTVO: 24.10.2014			
Broj predmeta	Klasifikaciona oznaka	Redni broj	Broj priloga
01-50-1-15-70		15-70	1/14

**PARLAMENTARNA SKUPŠTINA BiH**

*- Zastupnički dom -*

**SARAJEVO**

**PREDMET:** Odgovor na zastupničko pitanje– dostavlja se

Vijeće ministara Bosne i Hercegovine, na 110. sjednici održanoj 23.10.2014. godine, utvrdilo je Odgovor na zastupničko pitanje koja je postavio Zijad Jagodić, zastupnik u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupniku.

S poštovanjem,

  
**GENERALNI TAJNIK**  
*Zvonimir Kutleša*



**BOSNA I HERCEGOVINA**  
**VIJEĆE MINISTARA**

Broj: 05-50-1-2356/14  
Sarajevo, 23.10.2014. godine

ZIJAD JAGODIĆ, poslanik u Predstavničkom domu Parlamentarne skupštine Bosne i Hercegovine, na 70. sjednici Predstavničkog doma održanoj 24.07.2014.godine, postavio je sljedeće poslaničko pitanje:

**"Budući da je nacionalni akcioni plan za energetske efikasnost napravljen, zašto se čeka sa njegovim usvajanjem "**

Na postavljeno pitanje, Vijeće ministara Bosne i Hercegovine je na 110. sjednici održanoj 23. 10. 2014. godine, utvrdilo sljedeći

**ODGOVOR**

Izrada Akcionog plana za energetske efikasnost je jedna od aktivnosti koja proizilazi iz Direktive 2006/32/EK koju je BiH kao članica Ugovora o uspostavi Energetske Zajednice, dužna transponovati u svoje zakonodavstvo i implementirati.

Akcionim planom se definišu mjere za poboljšanje energetske efikasnosti, određuje ukupni indikativni cilj uštede energije, kao i potrebna finansijska sredstva potrebna za sprovođenje Akcionog plana.


Kako je, na osnovu ustavnih i zakonskih nadležnosti, implementacija aktivnosti definisanih akcionim planom na nivou entiteta, bilo je potrebno da se prvo donesu zakoni o energetske efikasnosti u oba entiteta, te nakon toga izrade i entitetski akcioni planovi za energetske efikasnost

U Republici Srpskoj je u julu 2013. godine donesen Zakon o energetske efikasnosti kojim se uređuje ta oblast u Republici Srpskoj, propisuje donošenje planova za unapređenje energetske efikasnosti i njihovo sprovođenje, kao i načini finansiranja energetske efikasnosti.

Na osnovu Zakona, u Republici Srpskoj je u decembru 2013. godine donesen prvi Akcioni plan energetske efikasnosti.

Prijedlog zakona o energetskej efikasnosti u FBiH je pripremljen i upućen u parlamentarnu proceduru na usvajanje.

Izrada Akcionog plana za energetskej efikasnost za Federaciju BiH je u završnoj fazi, čeka se donošenje Zakona o energetskej efikasnosti kojim će se omogućiti usvajanje plana.



Broj: 10-05-22489  
Sarajevo, 11.09.2014 godina

**BOSNA I HERCEGOVINA**  
**PARLAMENTARNA SKUPŠTINA**  
**BOŠNE I HERCEGOVINE**  
Zastupnički dom/predstavnički dom  
n/r Predsjedavajućeg predstavničkog doma

**BOSNA I HERCEGOVINA**  
**PARLAMENTARNA SKUPŠTINA BOSNE I HERCEGOVINE**  
**SARAJEVO**

PRIMLJENO: 24.09.2014			
Organizaciona jedinica	Klasifikaciona oznaka	Redni broj	Broj priloga
01-30-1-15-70/13			

**PREDMET:** Poslaničko pitanje – odgovor – dostavlja se

Na 70. sjednici Predstavničkog doma Parlamentarne skupštine BiH, održanoj 24.jula 2014 godine, poslanik Zijad Jagodić postavio je poslaničko pitanje koje glasi:

„Obzirom da je u BiH skoro po svim opštinama postala ili sve više postaje praksa da zdravstveni radnici (doktori specijalisti) raznih profila rade TV istu djelatnost kako u javnim zdravstvenim ustanovama tako i u vlastitim privatnim ordinacijama.

- Da li je to zaista rad deficita kadrova ili je to moć pojedinaca pri čemu se ne osvrću na zakon o sukobu interesa?

- Da li se namjerava ta praksa zaustaviti i šta se u tom pogledu namjerava učiniti?“

U vezi sa navedenim poslaničkim pitanjem dostavljamo vam odgovor te u tom smislu želimo istaći da je ovo ministarstvo kada je u pitanju dopunski rad ljekara specijaliste isključivo radilo u skladu sa zakonskim i podzakonskim propisima.

Naime, shodno odredbama člana 183-185 Zakona o zdravstvenoj zaštiti (Službene novine Federacije Bosne i Hercegovine br: 46/10 i 75/13) i Pravilnika o načinu postupka i uvjetima, kao i drugim pitanjima od značaja za organiziranje i obavljanje dopunskog rada zdravstvenih radnika u zdravstvenoj ustanovi ili privatnoj praksi („Službene novine Federacije BiH“, broj 60/12), utvrđeno je da zdravstveni radnici sa završenim medicinskim, stomatološkim, farmaceutskim i farmaceutsko biohemijskim fakultetom koji su specijalisti i imaju 10 godina radnog staža u zvanju specijaliste, odnosno specijaliste sa magisterijem ili doktoratom i bez posjedovanja 10 godina radnog staža u zvanju specijaliste, mogu obavljati poslove svoje struke u dopunskom radu.

S poštovanjem,



web: <http://mz.ks.gov.ba>  
e-mail: [minzdrav@ks.gov.ba](mailto:minzdrav@ks.gov.ba)  
Tel: + 387 (0) 33 562-104, Fax: + 387 (0) 33 562-243  
Sarajevo, Reisa Džemaludina Čauševića 1





Broj: 05-50-1-2351/14  
Sarajevo, 17.9.2014. godine

**BOSNA I HERCEGOVINA**  
**PARLAMENTARNA SKUPŠTINA BOSNE I HERCEGOVINE**  
**SARAJEVO**

PRIMLJENO: 17-09-2014			
Organizaciona jedinica	Klasifikaciona oznaka	Redni broj	Broj priloga
01-50-1-15			2014

**PARLAMENTARNA SKUPŠTINA BiH**

*- Zastupnički dom -*

**SARAJEVO**

**PREDMET:** Odgovor na zastupnička pitanja – dostavlja se

Vijeće ministara Bosne i Hercegovine, na 108. sjednici održanoj 17.9.2014. godine, utvrdilo je Odgovor na zastupnička pitanja koja je postavio Zijad Jagodić, zastupnik u Zastupničkom domu Parlamentarne skupštine Bosne i Hercegovine.

U privitku prosjeđujemo Odgovor radi njegovog dostavljanja zastupniku.

S poštovanjem,





**BOSNA I HERCEGOVINA  
VIJEĆE MINISTARA**

Broj: 05-07-1-2351/14  
Sarajevo, 17.9.2014. godine

Zijad Jagodić, poslanik u Predstavničkom domu Parlamentarne skupštine Bosne i Hercegovine, na 70. sjednici Predstavničkog doma održanoj 24. jula 2014. godine, postavio je sljedeće poslaničko pitanje:

„- Da li su međunarodne organizacije i strana DKP stacionirani u BiH dužni zaključiti ugovore o djelu ili ugovore o radu, kada su u pitanju njihovi zaposlenici BH državljani?

- Da li su nadležne institucije u tom pogledu vršile bilo kakve kontrole ili provjere, šta su uočile i šta poduzele?“

Na postavljeno pitanje, Vijeće ministara Bosne i Hercegovine je, na 108. sjednici održanoj 17. 9. 2014. godine, utvrdilo sljedeći

**ODGOVOR**

Strane diplomatske i konzularne misije akreditovane u Bosni i Hercegovini obaviještene su o obavezi da ugovore o angažovanju lokalnog osoblja - BH državljana, u pet primjeraka, dostavljaju na ovjeru Ministarstvu vanjskih poslova Bosne i Hercegovine, o čemu se vodi posebna evidencija.

Pomenutim ugovorima precizirana je obaveza plaćanja poreza i doprinosa u skladu sa propisima Bosne i Hercegovine.



Broj: 05-50-1-2354/14  
Sarajevo, 17.9.2014. godine

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO: 17-09-2014			
Organizaciona jedinica	Klasifikaciona oznaka	Redni broj	Broj priloga
01-50-1-15-7014			

PARLAMENTARNA SKUPŠTINA BiH

- Zastupnički dom -


SARAJEVO

**PREDMET:** Odgovor na zastupničko pitanje – dostavlja se

Vijeće ministara Bosne i Hercegovine, na 108. sjednici održanoj 17.9.2014. godine, utvrdilo je Odgovor na zastupničko pitanje koje je postavio Zijad Jagodić, zastupnik u Zastupničkom domu Parlamentarne skupštine Bosne i Hercegovine.

U prilogu prosjeđujemo Odgovor radi njegovog dostavljanja zastupniku.

S poštovanjem,



GENERALNI TAJNIK

Zvonimir Kutleša



**BOSNA I HERCEGOVINA**  
**VIJEĆE MINISTARA**

Broj: 05-07-1-2354/14.  
Sarajevo, 17.9.2014. godine

Zijad Jagodić, poslanik u Predstavničkom domu Parlamentarne skupštine Bosne i Hercegovine na 70. sjednici Predstavničkog doma održanoj 24. jula 2014. godine, postavio je sledeće poslaničko pitanje:

„BiH još uvijek može da se kvalifikuje za EU IPARD nepovratna sredstva za period 2014.-2020. pa bih molio za odgovor. Ko je bio dužan provesti taj dio posla oko uspostavljanja IPARD struktura i oko uspostave ministarstva, zašto se nije provelo i šta se u tom pogledu čini, odnosno namjerava učiniti?

Na postavljeno poslaničko pitanje, Vijeće ministara Bosne i Hercegovine je na 108. sjednici održanoj 17. 09. 2014. godine utvrdilo sljedeći

**ODGOVOR**

Osnova za pružanje IPA II finansijske podrške Bosni i Hercegovini u prepristupnom periodu je izrađen strateški dokument koji priprema Evropska komisija u konsultacijama sa zemljom korisnicom. Za zemlje korisnice, ovaj strateški dokument će biti pregledan 2017. i prema potrebi revidiran. Takođe, na inicijativu Evropske komisije, dokument se može revidirati u bilo koje vrijeme. Sem izrađenog strateškog dokumenta, Bosna i Hercegovina kao zemlja korisnica treba imati:

- Efikasan mehanizam koordinacije u trenutku početka programiranja IPA 2014
- Sveobuhvatne sektorske strategije/strateške dokumenata (za svaku oblast koja će finansijski biti podržavana – sektorski pristup)

Sektorske strategije se trebaju zasnivati na dogovorenim programima, budžetu, srednjoročnim rashodima i okvirima za upravljanje učinkom, koordinaciji sektora i donatora. U BiH trenutno ni jedan od sektora za koje se planira finansijska podrška u okviru novog instrumenta nije u potpunosti spreman za podršku putem sektorskog pristupa. S tim u vezi, EU će nastaviti pružati podršku u jačanju kapaciteta strateškog planiranja, programiranja, pripremi i postepenom provođenju odgovarajućih strategija.



U cilju stvaranja uslova za korištenje EU prepristupnih sredstava za razvoj poljoprivrede i ruralnog sektora, ministar spoljne trgovine i ekonomskih odnosa je donio Odluku o pristupanju izradi Strateškog plana ruralnog razvoja BiH i Odluku o formiranju Interresorne komisije za izradu nacrtu Strateškog plana ruralnog razvoja BiH. Nakon formiranja, Interresorna komisija je pripremila i usaglasila niz pratećih dokumenata neophodnih za izradu prijedloga Strateškog plana ruralnog razvoja BiH, i to: Poslovnik o radu interresorne komisije za izradu nacrtu Strateškog plana ruralnog razvoja BiH, Prijedlog za formiranje Tehničkih timova Interresorne komisije za prikupljanje i analizu podataka potrebnih za izradu nacrtu Strateškog plana ruralnog razvoja BiH, Projektne zadatke Tehničkih timova Interresorne komisije za izradu nacrtu Strateškog plana ruralnog razvoja BiH" i Nacrt "Sadržaja nacrtu Strateškog plana ruralnog razvoja BiH".


Da bi se u potpunosti stekli uslovi za korištenje EU prepristupnih sredstava za ruralni sektor, uključujući i poljoprivredu u pogledu investicija, potrebno je uspostaviti IPARD operativnu strukturu. Institucije u Bosni i Hercegovini koje su nadležne za oblast poljoprivrede i ruralnog razvoja rade na iznalaženju modela IPARD operativne strukture. Iz EU je najavljeno da će se i u okviru IPA II paketa moći nastaviti sa pružanjem podrške ruralnom sektoru u Bosni i Hercegovini. Ova pomoć će prije svega biti usmjerena pomoći oko izrade sveobuhvatnog strateškog plana ruralnog razvoja i uspostavljanja operativne strukture u skladu sa IPARD zahtjevima.

Nadležne institucije u Bosni i Hercegovini već duže vrijeme rade na postizanju dogovora oko iznalaženja adekvatnog modela IPARD operativne strukture, koja sa jedne strane treba da bude u skladu sa ustavnim nadležnostima u oblasti poljoprivrede i ruralnog razvoja u Bosni i Hercegovini, a sa druge strane usklađena i sa EU zahtjevima. U cilju razrješenja ovog pitanja i iznalaženja adekvatnog modela IPARD operativne strukture, održano je više sastanaka predstavnika nadležnih institucija u BiH kao i zajedničkih sastanaka sa predstavnicima Delegacije Evropske unije u BiH i predstavnika Evropske komisije iz Brisela. Pošto na ovom nivou dogovor nije postignut, održani su sastanci ministara ministarstava nadležnih za poljoprivredu i ruralni razvoj, na kome je dogovoreno da se razmotri model IPARD operativne strukture koji se bazira na postojećim ustavnim nadležnostima, i da to bude polazna osnova za razgovore predstavnika najvišeg političkog nivoa u BiH.

Obzirom da Bosna i Hercegovina ima mogućnost da se u okviru IPA II paketa pomoći kvalifikuje za korištenje prepristupnih IPARD sredstva, potrebno je nastaviti razgovore na visokom političkom nivou u cilju uspostavljanja mehanizma koordinacije i dogovora u vezi modela IPARD operativne strukture.



Broj: 01 50-5-2/142-14 /14  
Datum, 11.09. 2014. godine

 **BOSNA I HERCEGOVINA**  
**PARLAMENTARNA SKUPŠTINA BOSNE I HERCEGOVINE**  
**SARAJEVO**

PRIMLJENO: <u>16.07.2014</u>			
Organizaciona jedinica	Klasifikaciona oznaka	Redni broj	Broj priloga
<u>01-50-1-15</u>	<u>-70</u>	<u>14</u>	

**PARLAMENTARNA SKUPŠTINA**  
**BOSNE I HERCEGOVINE**  
**SARAJEVO**

**-PREDSTAVNIČKI DOM -**

n/r predsjedavajućeg dr Milorad Živković

**PREDMET: Odgovori na poslanička pitanja, dostavljaju se**  
**Veza: Vaš akt broj: 01/a-50-1-15-70/14 od 24.07.2014.godine**

U skladu sa Vašim aktom broj i datum veze, kojim se traže odgovori na poslanička pitanja g. Zvonka Jurišića i g. Zijada Jagodića, poslanika u Predstavničkom domu Parlamentarne skupštine Bosne i Hercegovine postavljenih na 70. sjednici ovog doma, u prilogu se dostavljaju odgovori Uprave za indirektno/neizravno oporezivanje BiH.

Prilog: - prijedlog odgovora

S poštovanjem,

Dostaviti:

1. Naslovu
2. UO UINO
3. 01/1
4. 04
5. a/a



**DIREKTOR**

**Dr. Miro Džakula**

G-din Zijad Jagodić, poslanik u Predstavničkom domu Parlamentarne skupštine Bosne i Hercegovine, postavio je na 70. sjednici Predstavničkog doma Parlamentarne skupštine Bosne i Hercegovine održanoj dana 24.07.2014. godine, slijedeće pitanje:

„Je li osigurano kontinuirano približavanje zakonodavstva u oblasti carina i poreza *acquis-u*, te da li su dovoljni administrativni kapaciteti UIO kako bi se to zakonodavstvo provodilo, te borilo protiv korupcije, prekograničnog kriminala i fiskalnih utaja.“

Na postavljeno pitanje Uprava za indirektno/neizravno oporezivanje daje slijedeći:

### ODGOVOR

Uprava za indirektno/neizravno oporezivanje BiH (UINO) je, shodno odredbama člana 3. i 4. Zakona o sistemu indirektnog oporezivanja („Službeni glasnik BiH“, br. 44/03, 52/04, 34/07, 4/08 i 49/09), jedini organ u BiH nadležan za provođenje zakonskih i drugih propisa o indirektnom oporezivanju i politike koju utvrđuje Vijeće ministara na prijedlog Upravnog odbora.

Ističemo da UINO provodi zakone koji su u velikoj mjeri usklađeni sa *acquis-em*. Princip samooporezivanja, koji se provodi u skladu sa Zakonom o PDV-u, kao i propisi doneseni na osnovu tog zakona, u značajnoj mjeri su usklađeni sa *acquis-em* (Direktiva 2006/112/EC), odnosno standardima Evropske unije, koja obaveza je proistekla iz odredbe člana 23. Zakona o sistemu indirektnog oporezivanja. Kada je u pitanju Zakon o akcizama u BiH („Službeni glasnik BiH“, br. 49/09, 49/14 i 60/14), može se konstatovati da je isti u velikoj mjeri usaglašen sa Direktivom 2008/118/EZ SAVJETA od 16.12.2008. godine, pri čemu se određena odstupanja trebaju posmatrati u kontekstu odredbe člana 1. stav (3) te direktive. Takođe, u cilju osiguranja dinamike ujednačavanja akciza na cigarete sa Direktivom Savjeta EU 92/79/EEC (izmjene: 99/81 EEC i 02/10/EC), donosi se za svaku godinu Odluka o utvrđivanju posebne i minimalne akcize na cigarete.

UINO u cilju kontinuiranog obezbjeđenja usklađivanja zakonodavstva na području carina i poreza, odnosno na području indirektnog oporezivanja i procedura sa *acquis-om*, modernizacije i jačanja administrativnih i operativnih kapaciteta, te priprema za pristupanje Konvenciji o zajedničkom provoznom postupku (NCTS), uz podršku modernizovanih IT tehnologija, u djelokrugu svog rada preduzima neophodne aktivnosti.

U prilog tome je i činjenica da je, u tu svrhu, Evropska komisija odobrila UINO, na njen zahtjev, određene *twinning* IPA projekte (IPA 2008, IPA 2010, IPA 2011, a očekujemo odobravanje još dva IPA projekta), u skladu sa Okvirnim sporazumom između Bosne i Hercegovine i Komisije Evropskih zajednica o pravilima saradnje koja se odnosi na finansijsku pomoć Bosni i Hercegovini u okviru pružanja pomoći putem instrumenta prepristupne pomoći (IPA) („Službeni glasnik BiH - Međunarodni ugovori“, broj 6/08).

Za provedene aktivnosti koje se odnose na prednje navedeni cilj, bilo da se radi o aktivnostima UINO realizovanim u okviru IPA projektata ili mimo tih projekata, po ocjeni Evropske komisije, Upravnog odbora UINO i drugih relevantnih subjekata, UINO je ostvarila dobre rezultate.

Tokom realizacije navedenih aktivnosti kroz IPA projekte, stručnu konsultantsku pomoć pružaju *twinning* savjetnici iz EU angažovani u tim projektima. Po potrebi, uključeni su i predstavnici određenih ministarstva, a konsultacije u vezi pripremljenih carinskih propisa obavljaju se sa nadležnim organima i institucijama (npr. Ministarstvom vanjske trgovine i ekonomskih odnosa, Ministarstvom finansija i trezora, Direkcijom za evropske integracije, Uredom za zakonodavstvo i drugim relevantnim subjektima).

U okviru *twinning* projekta iz oblasti PDV-a, priprema se prijedlog novog Zakona o PDV-u koji će biti usklađen s relevantnim evropskim direktivama. U cilju prilagođavanja svog zakonodavstva pravnoj stečevini EU u oblasti akciza, takođe, je planirana priprema prijedloga harmonizovanog zakona o akcizama.

Među aktivnostima UINO, koje sve zajedno vode približavanju carinskog zakonodavstva *acquis-u* i dobroj praksi EU, te pravilnom primjenjivanju tog zakonodavstva, posebno značajnim ističemo slijedeće:

- pripremljen je prijedlog novog Zakona o carinskoj politici u Bosni i Hercegovini, usklađen sa trenutno važećim Carinskim kodeksom EU (osim odredaba koje se izričito odnose ili su specifične samo za carinsko područje kao što je EU područje kojeg čine 28 država). Prijedlog

ovog zakona je u junu 2014. godine usvojen od strane Savjeta ministara BiH i treba dalje biti upućen u proceduru donošenja od strane Parlamentarne skupštine BiH,

- priprema se novi provedbeni propis, odnosno Odluka o sprovođenju novog Zakona o carinskoj politici Bosne i Hercegovine, usklađena sa trenutno važećom Uredbom EU o sprovođenju Carinskog kodeksa EU,
- priprema se Odluka o sprovođenju postupka oslobađanja od plaćanja uvoznih dažbina, kojom će se za sve carinske povlastice propisane novim Zakonom o carinskoj politici u Bosni i Hercegovini, regulisati uslovi i postupak oslobađanja, a usklađena sa važećim Uredbama EU na području navedenog oslobađanja,
- priprema se novi Pravilnik o popunjavanju i podnošenju carinske deklaracije, u skladu sa prednje navedenim novim carinskim propisima i *acquis-om*,
- uvedeni su u primjenu novi pojednostavljeni carinski postupci: lokalno carinjenje u uvoznim postupcima i pojednostavljenja u postupku provoza (ovlašćeni pošiljalac i ovlašćeni primalac), koji postupci će, nakon stupanja na snagu novih carinskih propisa biti dalje unaprijeđeni u skladu sa tim propisima i najboljom praksom EU, kao i ostali carinski postupci, što će uključivati i nova operativna uputstva o sprovođenju tih postupaka,
- u toku su aktivnosti modernizacije carinskog informacionog podsistema uvođenjem u primjenu najnovije ASYCUDA verzije-ASYCUDA World, u vezi čega se očekuju sledeći rezultati:
  - modernizovan sistem obrade carinskih deklaracija za robu koja se uvozi/provozi/izvozi, usklađen sa EU principima interoperabilnosti i interkonektivnosti,
  - razvijeno E-carina okruženje,
  - poboljšana analiza rizika i selektiviteta i postignuta ocjena efikasnosti,
  - podrška sistemu jedinstvene garancije za obezbjeđenje plaćanja indirektnih poreza u BiH,
- na području: *zabrane, ograničenja i druge mjere carinske politike*, sprovedene su obuke i druge aktivnosti u pravcu jačanja sistemskog praćenja primjene ovih mjera pri uvozu/provozu/izvozu roba,
- na području *intelektualne svojine*: UIO je pripremila potrebne odluke o sprovođenju carinskih mjera za zaštitu prava nosioca intelektualne svojine i to za : žig, autorska i srodna prava, oznake geografskog porijekla, dizajn i patent, koje je, na prijedlog UIO, donio Savjet ministara i objavljene su u "Službenom glasniku BiH", broj 41/12. Te odluke su usaglašene sa materijalnim zakonima o navedenim pravima intelektualne svojine u BiH i Uredbama EU sa područja pomenute carinske zaštite; implementirala je IT aplikaciju "INES" za podršku i upravljanje na ovom području, sprovela neophodne obuke i drugo,
- unaprijeđen sistem analize rizika (Prikupljanje i obrada informacija o rizicima, komunikacija svih organizacionih jedinica i kreiranje i unapređenje profila rizika),
- priprema se novi Pravilnik o postupku kontrole, te obavlja i druge aktivnosti po pitanju unapređenja i jačanja sistema naknadnih kontrola u organizacionom i proceduralnom smislu i uspostavljanja jednakih standarda kvaliteta u sveobuhvatnim kontrolama carinskih, odnosno obveznika indirektnih poreza,
- obavljene su odgovarajuće pripreme neophodne za početak razvoja carinske informatičke aplikacije za NCTS (Novi kompjuterizovani proвозni postupak),
- a razvoj IT aplikacije NCTS (što je jedan od uslova za pristupanje BiH Konvenciji o zajedničkom proвозnom postupku) biće aktivnost UIO u okviru predstojećeg *IPA twinning projekta za NCTS u 2015. godini*, u skladu sa Odlukom o odobravanju Projekta "Implementacija NCTS - New Computerised Transit System - u Bosni i Hercegovini koji će se uvrstiti u program višegodišnjih kapitalnih ulaganja za period od 2013.-2016. godine ("Službeni glasnik BiH", broj 90/13), koju je donio Savjet ministara BiH.

Takođe, ističemo da je UIO, nakon provedene konkursne procedure, prema važećoj sistematizaciji radnih mjesta, značajno pojačala svoje administrativne kapacitete, naročito u oblasti kontrola, što će u narednom periodu doprinijeti efikasnijem provođenju zakonskih i drugih propisa o indirektnom oporezivanju, borbi protiv korupcije, prekograničnog kriminala i fiskalnih utaja.

Uprava za indirektno/neizravno oporezivanje





Broj: 11-37-15698-1/14.  
Zenica, 09.09.2014. godine.

BOSNA I HERCEGOVINA  
PARLAMENTARNA SKUPŠTINA BIH  
ZASTUPNIČKI / PREDSTAVNIČKI DOM

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO:	11. 09. 2014		
Organizaciona jedinica	Klasifikaciona oznaka	Radni broj	Broj priloga
01	50-1-15	70119	

**PREDMET:** Odgovor na poslaničko pitanje, dostavlja se,-

Na 70. sjednici Predstavničkog doma Parlamentarne skupštine Bosne i Hercegovine, održanoj 24.07.2014. godine, poslanik Zijad Jagodić postavio je poslaničko pitanje u vezi sa dopunskim radom ljekara raznih profila, koji ovaj rad obavljaju u javnim zdravstvenim ustanovama, odnosno vlastitim privatnim ordinacijama.

U vezi sa postavljenim pitanjem ističemo sljedeće:

Pravilnikom o načinu, postupku i uvjetima, kao i drugim pitanjima od značaja za organiziranje i obavljanje dopunskog rada zdravstvenih radnika u zdravstvenoj ustanovi ili privatnoj praksi („Službene novine F BiH“, broj: 60/14), utvrđen je način, postupak i uvjeti za obavljanje dopunskog rada.

Prema odredbama člana 4. navedenog Pravilnika dopunski rad odobrava direktor zdravstvene ustanove u kojoj je zdravstveni radnik zaposlen u stalnom radnom odnosu, a po prethodno pribavljenom mišljenju Komisije za dopunski rad koju formira svaka zdravstvena ustanova.

Uslōv za odobrenje dopunskog rada predstavljaju okolnosti u kojima je ograničeno korištenje raspoložive medicinske opreme i/ili ograničen broj zdravstvenih radnika određene struke, otežano ostvarivanje zdravstvene zaštite u javnoj zdravstvenoj ustanovi, pri provedbi dijagnostičkih, terapijskih i rehabilitacijskih postupaka koji se finansiraju iz sredstava obaveznog zdravstvenog osiguranja.


Ovaj oblik obavljanja zdravstvene djelatnosti ne predstavlja sukob interesa.

S poštovanjem,

DOSTAVLJENO:

1 x Naslovu,

1 x a/a.




MINISTRICA

Senka Balorda  
med. sci. dr. Senka Balorda



Broj: 05-02-2138/14  
Mostar; 01.09.2014. godine



Bosna i Hercegovina  
PARLAMENTARNA SKUPŠTINA  
BOSNE I HERCEGOVINE  
ZASTUPNIČKI DOM/PREDSTAVNIČKI DOM  
n/r Sekretara  
n/r g-din Zijad Jagodić, zastupnik

VLADA FEDERACIJE BiH  
n/r g-đa, Edita Kalajdžić, sekretar

Predmet: **Zastupničko pitanje**, odgovor dostavlja se

Poštovani,

U prilogu akta Vlade Federacije Bosne i Hercegovine broj: 03/02-971-2/14 od 07.08.2014.godine dostavljeno nam je zastupničko pitanje, koje je na 70. sjednici Zastupničkog doma Parlamentarne Skupštine Bosne i Hercegovine održanoj 24.07.2014.godine, postavio zastupnik Zijad Jagodić:

Pitanje:

Imajući u vidu direktivu 2009/119/EC Vijeća Evrope koja definiše/propisuje osiguranje minimalnih zaliha nafte i naftnih derivata, kakvo je stanje u području pojedinačne nadležnosti i šta se u tom pogledu čini.

Odgovor:

Direktiva 2009/119/EC Vijeća Evropske unije od 14. septembra 2009. godine je direktiva kojom se države članice obavezuju održavati minimalne zalihe sirove nafte i/ili naftnih derivata.

Implementacija ove Direktive je postala obavezujuća za Ugovorne strane Energetske zajednice u skladu sa odlukom Ministarskog vijeća Energetske zajednice od 18. oktobra 2012. uz rok za implementaciju do 01. 01. 2023. godine.

Bosna i Hercegovina kao potpisnik Ugovora o uspostavi energetske zajednice prihvatila je obavezu implementiranja navedene direktive.

Direktivom 2009/119/EC se utvrđuju pravila koja imaju za cilj osiguravanje visokog nivoa sigurnosti snabdjevanja naftom u Zajednici, kroz pouzdane i transparentne mehanizme koji se temelje na solidarnosti među državama članicama, održavanje minimalnih zaliha sirove nafte i/ili naftnih derivata i uspostavu potrebnih proceduralnih sredstava za rješavanje ozbiljnih nestašica. Ukupne zalihe propisane direktivom odgovaraju barem u količini od 90 dana

prosječnog dnevnog neto uvoza ili od 61 dana prosječne dnevne domaće potrošnje, ovisno o tome koja je količina veća.

#### Dosadašnje aktivnosti vezane za implementaciju Direktive

U proteklom periodu je u organizaciji Ministarstva vanjske trgovine i ekonomskih odnosa u saradnji sa ekspertima sekretarijata Energetske zajednice održano nekoliko sastanaka na navedenu temu (posljednji sastanak je održan 13.05.2014.godine).

Eksperti Energetske zajednice prezentirali su odredbe direktive 2009/119/EC i obaveze Bosne i Hercegovine koje proističu iz navedene direktive, razmatrano je stanje u sektoru naftnih derivata u BiH, međutim, optimalno rješenje za implementaciju navedene direktive u Bosni i Hercegovinu nije utvrđeno, nisu precizirane pojedinačne nadležnosti po direktivi, niti su precizirane dalje aktivnosti na implementaciji ove zahtjevne direktive.

Svjesni obaveza koje navedena direktiva nameće predstavnici Radne grupe za podršku u oblasti energetike (Programiranje IPA 2012-2013) iz Federacije BiH su predložili da se navedeno pitanje rješi u okviru Programiranja IPA 2012-2013, te kandidovali projektni prijedlog „Rješavanje pitanja obaveznih rezervi naftnih derivata na državnom nivou“ (u skladu sa direktivom 2009/119/EC) koji nije podržan od strane predstavnika radne grupe iz Republike Srpske.

#### Federacija Bosne i Hercegovine

U nedostatku trenutne političke saglasnosti za regulisanje politike i strategije razvoja tržišta naftnih derivata na nivou Bosne i Hercegovine, Federacija Bosne i Hercegovine je donošenjem Zakona o naftnim derivatima u Federaciji BiH („Službene novine Federacije BiH“, broj: 52/14), (u daljem tekstu Zakon), između ostalog, stvorila i preduslove za ispunjavanje preuzetih obaveza koje nalaže direktiva, u dijelu koji će se odnositi na obaveze Federacije BiH.

Naime, članom 39. Zakona pod nazivom „Obavezne rezerve naftnih derivata“ definisano je slijedeće:

*„Obavezne zalihe naftnih derivata formirat će se radi osiguranja snabdjevanja naftnim derivatima u slučaju prijetnje energetske sigurnosti Bosne i Hercegovine zbog vanrednih poremećaja u snabdjevanju. Obavezne zalihe naftnih derivata formirat će se u skladu sa direktivom 2009/119/EC“.*

Navedenom zakonskom odredbom omogućeno je transponovanje direktive u domaće zakonodavstvo.

Nadalje, Zakonom se za teritoriju Federacije BiH uvela posebna taksa u visini od 0,01 KM po litru naftnih derivata koja je namjenjena za finansiranje uspostavljanja rezervi naftnih derivata u Federaciji BiH i prihod je Operatora rezervi naftnih derivata (energetski subjekt koji skladišti, nabavlja, zavlja nafte derivate i raspolaže taksom u skladu sa Zakonom) koji je takođe uspostavljen Zakonom.

Obveznici uplate takse su energetski subjekti koji se bave prometom naftnih derivata na malo i taksu iskazuju kao dodatak na maloprodajnu cijenu naftnih derivata i pravna i fizička lica koja nabavljaju naftne derivate za svoje potrebe kod kojih ovi derivati završavaju kao krajnja potrošnja (ovo su slučajevi kada je obveznik kupac naftnih derivata).

Ovakva rješenja imala su za cilj uvođenje takse kao posebnog namjenskog prihoda za Federaciju Bosne i Hercegovine kojim se nije smio narušiti sistem indirektnog oporezivanja koji je u nadležnosti institucija Bosne i Hercegovine.

U skladu sa Zakonom sredstva prikupljena na osnovu takse trošit će se namjenski, a način namjenskog utroška sredstava utvrđuje Vlada Federacije BiH na prijedlog Federalnog ministarstva energije, rudarstva i industrije.

Kako će se dio sredstava prikupljenih na osnovu takse koristiti i za osiguranje tehničko-tehnološke ispravnosti postrojenja i skladišta za skladištenje naftnih derivata, navedenim se ujedno obezbjeđuju i uslovi za skladištenje naftnih derivata, a time i lakše provođenje preuzetih međunarodnih obaveza Bosne i Hercegovine.

Kako je ispunjavanje obaveza po direktivi 2009/119/EC izuzetno zahtjevno zbog svoje kompleksnosti, kako u tehničkom, finansijskom tako i u administrativnom pogledu, smatramo da se aktivnostima na implementiranju navedene direktive u narednom periodu treba posvetiti posebna pažnja na svim nivoima vlasti i uz učešće svih sudionika u naftnom sektoru.

S poštovanjem,



**Dostaviti:**

- Naslovu,
- Evidenciji i
- a/a



Broj: 06-37-5074/14  
Sarajevo, 21.08.2014. godine

PARLAMENTARNA SKUPŠTINA  
BOSNE I HERCEGOVINE  
ZASTUPNIČKI DOM  
n/p Predsjedavajućeg

01/a-50-1

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLIENO: 08.09.2014			
Organizaciona jedinica	Klasifikaciona oznaka	Redni broj	Broj priloga
01-50-1-15	-75	-70	14

**Predmet: Odgovor na zastupničko pitanje, dostavlja se-**  
Veza: Vaš akt broj: 01/a-50-1-15-70/14 od 24.07.2014.godine

Poštovani,

Veza<sup>o</sup> za Vaš akt kojim se dostavlja zastupničko pitanje uvaženog zastupnika u Zastupničkom domu Parlamentarne skupštine BiH, g-dina Zijada Jagodića, postavljeno na 70. sjednici održanoj 24. jula 2014.godine, informiramo vas o sljedećem.

Zastupničko pitanje odnosi se na obavljanje liječničke djelatnosti u javnom i privatnom sektoru u zdravstvu.

Odredbama čl. 183. do 185. Zakona o zdravstvenoj zaštiti („Službene novine Federacije BiH“, br. 46/10 i 75/13) dozvoljeno je obavljanje dopunskog rada zdravstvenim radnicima, saglasno propisima o radu, koji su zaposleni u zdravstvenoj ustanovi u stalnom radnom odnosu, koji ispunjavaju uvjete propisane Pravilnikom o načinu, postupku i uvjetima, kao i drugim pitanjima od značaja za organiziranje i obavljanje dopunskog rada zdravstvenih radnika u zdravstvenoj ustanovi ili privatnoj praksi (u daljem tekstu: Pravilnik o dopunskom radu) („Službene novine Federacije BiH“, broj 60/12), a po pribavljenom mišljenju nadležne komore i uz prethodnu saglasnost poslodavca zdravstvene ustanove u kojoj je zdravstveni radnik uposlen u stalnom radnom odnosu. Navedenim zakonskim odredbama predviđeno je drugačije određenje dopunskog rada zdravstvenih radnika u odnosu na raniji zakon iz ove oblasti, uz znatno pooštavanje sankcije za obavljanje dopunskog rada suprotno Zakonu, te pojačavanje mehanizma kontrole istog na svim nivoima. Dopunski rad može obavljati zdravstveni radnik uposlen u zdravstvenoj ustanovi u stalnom radnom odnosu, uz ispunjavanje određenih uvjeta propisanih Zakonom i Pravilnikom o dopunskom radu. Dopunski rad se može obavljati samo kod jednog poslodavca, a ne na više mjesta kako je to ranije bio slučaj, te je ovaj institut i po ovom pitanju u ranijem periodu bio zloupotrebljen. Obaveza je kantonalnog ministarstva zdravstva da prati zakonitost obavljanja dopunskog rada na području kantona, te poduzima mjere na koje je ovlašten Zakonom. Kantonalni ministar zdravstva svake kalendarske godine, po prethodno pribavljenom mišljenju javnih zdravstvenih ustanova, kao i zavoda za javno zdravstvo kantona, naredbom utvrđuje potrebu obavljanja dopunskog rada i određuje specijalnosti za koje se obavlja dopunski rad na području kantona, što je novina u odnosu na raniji Zakon.

Također, treba istaći da je dopunski rad dozvoljen i u drugim strukama. Za primjer navodimo radnike u visokom obrazovanju koji, uz saglasnost dekana, mogu

obavljati poslove iz djelatnosti visokoškolske ustanove u drugoj visokoškolskoj ustanovi, dodatni rad zaposlenika u organima uprave koji se obavlja uz prethodnu saglasnost rukovodioca organa uprave. Svjesni smo činjenice da je ranije, u praksi, bilo kršenja instituta dopunskog rada, kako od strane zdravstvenih radnika koji su nositelji odobrenja za dopunski rad, tako i poslodavca kod kojeg su nositelji odobrenja za dopunski rad zaposleni u stalnom radnom odnosu, ali i drugih učesnika u sektoru zdravstva. Međutim, treba navesti da je u dosadašnjoj praksi zakazala kontrola obavljanja dopunskog rada koja se provodila na više nivoa, i to:

- od strane poslodavca koji je izdao prethodnu saglasnost za obavljanje dopunskog rada zdravstvenom radniku. Njegovo je pravo da u svakom momentu može otkazati datu saglasnost, ako se ona zloupotrebljava, što ima za posljedicu ukidanje dopunskog rada zdravstvenom radniku, a također, pravo je poslodavca da može jednostrano otkazati ugovor o radu zaključen sa zaposlenikom ukoliko isti obavlja dopunsku djelatnost suprotno odredbama Zakona,
- od strane zdravstvenog inspektora na nivou kantona ili Federacije koji kontrolira da li zdravstveni radnik koji obavlja dopunski rad ima valjano odobrenje za obavljanje istog,
- od strane Porezne uprave Federacije BiH koja prati da li nositelj odobrenja za obavljanje dopunskog rada uredno izmiruje svoje obaveze po osnovu plaćanja poreza, obzirom da je isti porezni obveznik,
- od strane nadležne komore koja u slučaju obavljanja dopunskog rada suprotno Zakonu može izreći svom članu mjeru: privremeno oduzimanje ili trajno oduzimanje licence za rad u ovisnosti kako je to već riješeno u statutima nadležnih komora,
- od strane nadležnog ministarstva zdravstva i kantonalnog zavoda zdravstvenog osiguranja.

Dopunski rad se sada odobrava zdravstvenom radniku specijalisti sa 10-godišnjim specijalističkim iskustvom, odnosno izuzetno specijalisti u zvanju magistra odnosno doktora medicinskih nauka, bez 10-godišnjeg specijalističkog iskustva i uz prethodnu saglasnost poslodavca zdravstvene ustanove u kojoj je uposlen na neodređeno vrijeme, a u smislu člana 77. Zakona o radu („Službene novine Federacije BiH“, br. 43/99, 32/00 i 29/03). Na radne odnose zaposlenika u zdravstvenim ustanovama se primjenjuje Zakon o radu, granski kolektivni ugovor u oblasti zdravstva, pravilnik o radu na osnovu kojih zaposlenik zaključuje ugovor sa poslodavcem, a u kojem se utvrđuju prava i obaveze kako zaposlenika, tako i poslodavca. Cijenimo da nije potrebno naglašavati da je u pitanju dvostrano obvezujući ugovor (*locatio conductio operarum*), te da svaki zaposlenik mora biti svjestan preuzetih obaveza po osnovu radno-pravnog statusa.

Mjesta obavljanja dopunskog rada utvrđena su u članu 183. stav 1. Zakona o zdravstvenoj zaštiti, a to su: javna zdravstvena ustanova u kojoj je zdravstveni radnik uposlen u stalnom radnom odnosu, pod uvjetima da zbog ograničenih kapaciteta u korištenju raspoložive medicinsko-tehničke opreme i/ili ograničenog broja zdravstvenih radnika određene struke je otežano ostvarivanje zdravstvene zaštite u javnoj zdravstvenoj ustanovi, kao i da obavljanje ovog rada ne utiče na organizaciju rada pojedinih djelatnosti ili zdravstvene ustanove kao cjeline, u kojoj je zdravstveni radnik uposlen na neodređeno vrijeme. Odobrenje za ovu vrstu dopunskog rada izdaje direktor zdravstvene ustanove, na prijedlog stručnog vijeća zdravstvene ustanove, a što je u skladu sa propisima o radu. Osim toga, dopunski rad se može obavljati i u drugoj zdravstvenoj ustanovi, bez obzira na oblik svojine, kao i kod

zdravstvenog radnika iste specijalnosti koji obavlja registriranu privatnu praksu. Treba istaći da u članu 183. stav 1. alineja tri nije naveden prefiks „kod drugog“ zdravstvenog radnika iste specijalnosti koji ima registriranu privatnu praksu, a kako je to jasno i decidno navedeno u alineji dva istog člana „u drugoj zdravstvenoj ustanovi“. Slijedom toga u članu 3. stav 2. Pravilnika o dopunskom radu navedeno je da, ukoliko je privatna praksa organizirana kao vlastita privatna praksa zdravstvenog radnika, obavezno je da ista ispunjava uvjete propisane Zakonom i propisima donijetim na osnovu tog zakona.

Posebno ističemo da se registracija zdravstvene ustanove ne može zasnivati na dopunskom radu zdravstvenih radnika. Naime, i prema ranijem Zakonu o zdravstvenoj zaštiti, a i važećem Zakonu o zdravstvenoj zaštiti predviđeno da za registriranu djelatnost zdravstvena ustanova mora imati stalno uposlen potrebni kadar. Slijedom toga npr. u članu 95. Zakona o zdravstvenoj zaštiti predviđeno je da poliklinika mora za svaku svoju registrovanu djelatnost zapošljavati u radnom odnosu, u punom radnom vremenu, najmanje jednog doktora medicine, odnosno doktora stomatologije specijalistu odgovarajuće grane specijalnosti, zavisno o djelatnostima poliklinike. To znači, da se npr. u poliklinici koja je registrirana samo za obavljanje specijalističko-konsultativne zdravstvene zaštite iz interne medicine i koja ima stalno uposlenog specijalistu interne medicine, ne može po osnovu dopunskog rada angažirati specijalista ginekolog i specijalista druge specijalnosti, izuzev interniste. O ovome su upozorena kantonalna ministarstva zdravstva koja provode postupak registracije zdravstvenih ustanova, ali i nadležne zdravstvene inspekcije.

Pravilnikom o dopunskom radu samo se bliže razrađuje materija navedena čl. 183. do 185. Zakona o zdravstvenoj zaštiti, a kojim je uređen institut dopunskog rada. Naime, Pravilnikom se utvrđuju opći uvjeti za obavljanje dopunskog rada; način obavljanja dopunskog rada; postupak i uvjeti za odobravanje obavljanja dopunskog rada; obaveze po osnovu dopunskog rada; prelazne i završne odredbe. Ovdje, također, treba naglasiti da se ne radi o pitanju sukoba interesa, odnosno da je pitanje Zakonom uređena mogućnost, sa uvjetima utvrđenim Zakonom i citiranim Pravilnikom.

Napominjemo da je Pravilnik o dopunskom radu donijet uz konsultaciju sa komorama iz oblasti zdravstva, te da je dobio i pozitivno mišljenje Ureda Vlade Federacije BiH za zakonodavstvo i usklađenost sa propisima EU, aktom broj: 07-02/2-37-641/12 od 05.07.2012. godine, a prije objave u „Službenim novinama Federacije BiH“.

Imajući u vidu naprijed navedeno, te činjenicu da je Federalno ministarstvo zdravstva novim Zakonom o zdravstvenoj zaštiti i Pravilnikom o dopunskom radu pokušalo bolje urediti pitanje rada liječnika iz javnog sektora u privatnom sektoru, u odnosu na ranije važeće propise, cijenimo da je postojeći pravni okvir jasan, kao i da su otklonjene ranije prisutne neduomice u vezi sa ovim pitanjem.

S poštovanjem,

**MINISTAR**  
**Prof. dr. Rusmir Mesihović**





Bosna i Hercegovina  
FEDERACIJA BOSNE I HERCEGOVINE  
HERCEGBOSANSKA ŽUPANIJA  
MINISTARSTVO RADA, ZDRAVSTVA,  
SOCIJALNE SKRBI I PROGNAHNIH  
TOMISLAVGRAD

01/a-50-1  
M

Broj: 09-01-37-125/14

Dana: 1.9.2014.

PRIMLJENO			
05-09-2014			
Organizaciona jedinica	Klasifikaciona oznaka	Redni broj	Broj priloga
01/a-50-1-15-70/14			

BOSNA I HERCEGOVINA  
PARLAMENTARNA SKUPŠTINA  
ZASTUPNIČKI DOM

**Predmet:** Odgovor na zastupničko pitanje

**Veza:** Vaš akt broj: 01/a-50-1-15-70/14 od 24.7.2014. godine

Poštovani,

Dana, 8. kolovoza 2014. godine Ministarstvo rada, zdravstva, socijalne skrbi i prognanih Hercegbosanske županije zaprimilo je Vaš akt, broj: 01/a-50-1-15-70/14 od 24.7.2014. godine, kojim se traži odgovor na zastupničko pitanje zastupnika Zastupničkog doma Parlamentarne skupštine Bosne i Hercegovine Zijada Jagodića upućeno svim ministarstvima zdravstva u Bosni i Hercegovini.

Ovim putem Vas obavještavamo da Ministarstvo nije mogućnosti odgovoriti na postavljeno pitanje s obzirom da je isto dostavljeno u pisanoj formi na nečitljivom dokumentu. Ukoliko pitanje dostavite u čitljivoj formi na isto će Ministarstvo dati odgovor.

S poštovanjem,

Dostaviti:  
Enaslovu  
- pismohrani



MINISTAR  
Dragoslav Topić

*Dragoslav Topić*





Bosna i Hercegovina  
FEDERACIJA BOSNE I HERCEGOVINE  
HERCEGBOSANSKA ŽUPANIJA  
MINISTARSTVO RADA, ZDRAVSTVA,  
SOCIJALNE SKRBI I PROGNAHNIH  
TOMISLAVGRAD

01/a-50-1  
M

Broj: 09-01-37-125/14

Dana: 1.9.2014.

**BOSNA I HERCEGOVINA**  
**PARLAMENTARNA SKUPŠTINA BOSNE I HERCEGOVINE**  
**SARAJEVO**

PRIMLJENO		05-09-2014	
Organizaciona jedinica	Klasifikaciona oznaka	Redni broj	Broj priloga
01/a-50-1-15-70/14			

**BOSNA I HERCEGOVINA**  
**PARLAMENTARNA SKUPŠTINA**  
**ZASTUPNIČKI DOM**

**Predmet:** Odgovor na zastupničko pitanje

**Veza:** Vaš akt broj: 01/a-50-1-15-70/14 od 24.7.2014. godine

Poštovani,

Dana, 8. kolovoza 2014. godine Ministarstvo rada, zdravstva, socijalne skrbi i prognanih Hercegbosanske županije zaprimilo je Vaš akt, broj: 01/a-50-1-15-70/14 od 24.7.2014. godine, kojim se traži odgovor na zastupničko pitanje zastupnika Zastupničkog doma Parlamentarne skupštine Bosne i Hercegovine Zijada Jagodića upućeno svim ministarstvima zdravstva u Bosni i Hercegovini.

Ovim putem Vas obavještavamo da Ministarstvo nije mogućnosti odgovoriti na postavljeno pitanje s obzirom da je isto dostavljeno u pisanoj formi na nečitljivom dokumentu. Ukoliko pitanje dostavite u čitljivoj formi na isto će Ministarstvo dati odgovor.

S poštovanjem,

Dostaviti:  
Enaslovu  
- pismohrani



**MINISTAR**  
**Dragoslav Topić**

*Dragoslav Topić*



01/a-50-1

Bosna i Hercegovina

BRČKO DISTRIKT  
Bosne i Hercegovine

VLADA BRČKO DISTRIKTA

Odjeljenje - Odjel za privredni razvoj,  
sport i kulturu



Босна и Херцеговина

БРЧКО ДИСТРИКТ  
Босне и Херцеговине

ВЛАДА БРЧКО ДИСТРИКТА

Одјелјење - Одјел за привредни развој,  
спорт и културу

Bulevar Mira 1. 76100 Brčko Distrikt BiH  
Telefon: 049 220 289, 217 993. Faks: 049 220 289.

www.bdcentral.net

Булевар Мира 1. 76100 Брчко Дистрикт БиХ  
Телефон: 049 220 289, 217 993. Факс: 049 220 289.

Broj predmeta: 48-001283/14  
Broj akta: 13-1080DB-0002/14  
Datum, 22.8.2014. godine  
Mjesto, Brčko

**BOSNA I HERCEGOVINA**  
**PARLAMENTARNA SKUPŠTINA BOSNE I HERCEGOVINE**  
**SARAJEVO**

PRIMLJENO: 01.09.2014

Organizaciona jedinica	Klasifikaciona oznaka	Redni broj	Broj priloga
01/a-50-1		15-70/14	

BOSNA I HERCEGOVINA  
PARLAMENTARNA SKUPŠTINA  
BOSNE I HERCEGOVINE  
ZASTUPNIČKI DOM/PREDSTAVNIČKI DOM

**PREDMET: Odgovor na poslaničko pitanje gosp. Zijada Jagodića**

G-din Poslanik Zijad Jagodić na 70. sjednici predstavničkog doma Parlamentarne skupštine Bosne i Hercegovine održanoj 24. jula 2014. godine je Vijeću ministara BiH, Vladi Republike Srpske, Vladi Federacije BiH i Vladi Brčko distrikta BiH postavio pitanje, koje glasi:

"Imajući u vidu Direktivu 2009/119/EC Vijeća Evrope koja definiše/propisuje osiguranje minimalnih zaliha nafte i naftnih derivata, kakvo je stanje u području pojedinačne nadležnosti i šta se u tom pogledu čini?"

Odgovor na poslaničko pitanje:

Uvažavajući navedenu Direktivu od strane Poslanika g-dina Jagodića, želimo Vas obavijestiti da Vlada Brčko distrikta Bosne i Hercegovine trenutno ne raspolaže prostorima i spremnicima za osiguranje minimalnih zaliha nafte i naftnih derivata.


S poštovanjem,

DOSTAVITI:

1. Naslov
2. Evidencija
3. Arhiva



ŠEF ODJELJENJA  
Damir Bulčević, dipl.oec



BOSNA I HERCEGOVINA  
FEDERACIJA BOSNE I HERCEGOVINE  
KANTON SREDIŠNJA BOSNA /SREDNJOBOSANSKI KANTON  
TRAVNIK

Ministarstvo zdravstva i socijalne politike

Broj: 05-37-454/14

Datum: 19.08.2014.godine

Parlamentarna skupština BiH  
Zastupnički/Predstavnički dom  
SARAJEVO

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO: 22-08-2014			
Organizaciona jedinica	Klasifikaciona oznaka	Redni broj	Broj priloga
01-	50-1-	15-70	14

Odgovor na zastupničko pitanje Jagodić Zijada  
-dostavlja se-

Veza: Vaš akt broj:01/a-50-1-15-70/14 od 24.07.2014. godine

Poštovani,

Dopunski rad liječnika pod određenim uvjetima reguliran je Pravilnikom o načinu, postupku i uvjetima, kao i drugim pitanjima od značaja za organiziranje i obavljanje dopunskog rada zdravstvenih djelatnika u zdravstvenoj ustanovi ili privatnoj praksi („Sl.novine FBiH,“ broj: 60/12).

Njegovo donošenje je u isključivoj mjerodavnosti ministra zdravstva FBiH, a implementacija, pod određenim uvjetima, u mjerodavnosti ravnatelja javno zdravstvenih ustanova.

Međutim, pomenutim Pravilnikom, njegovim člankom 15. nositeljima odobrenja za dopunski rad izdanog na temelju propisa koji su bili u primjeni prije stupanja na snagu istog data je obveza da se usklade sa njegovim odredbama, u roku 24 mjeseca od dana njegovog stupanja na snagu(Pravilnik je stupio na snagu osmog dana od dana objave u „Sl. novinama FBiH“-dan objave istog 13.07.2012. godine).

Ističemo da je za autentično tumačenje pomenutog Pravilnika mjerodavan Federalni ministar zdravstva, kao njegov donosilac.

Uz srdačan pozdrav,



MINISTAR  
Nikola Grubešić, dipl. ing.





РЕПУБЛИКА СРПСКА  
РЕПУБЛИЧКА УПРАВА ЗА ИНСПЕКЦИЈСКЕ ПОСЛОВЕ  
БАЊА ЛУКА

BOSNA I HERCEGOVINA  
PARLAMENTARNA SKUPSTINA BOSNE I HERCEGOVINE  
SARAJEVO

PRIMLJENO:	14-08-2014		
Organizaciona jedinica	Klasifikaciona oznaka	Broj lista	Broj priloga

01-50-1-15-70/14

Број: 24.012/9993-220-2/14  
Датум: 12.08.2014. године

**ПАРЛАМЕНТАРНА СКУПШТИНА БОСНЕ И ХЕРЦЕГОВИНЕ**  
**ПРЕДСТАВНИЧКИ ДОМ**  
**Трг БиХ 1**  
**71 000 САРАЈЕВО**

**ПРЕДМЕТ:** Одговор у вези са посланичким питањем, Посланик Зијад Јагодић, Парламентарна скупштина БиХ

**ВЕЗА:** Ваш акт, број: 01/а-50-1-15-70/14 од 24.07.2014. године

Вашим актом, број: 01/а-50-1-15-70/14 од 24.07.2014. године тражили сте од овог органа одговор на посланичко питање Зијада Јагодића, посланика у Парламентарној скупштини Босне и Херцеговине, Представнички дом.

У вези с тим обавјештавамо вас да према одредби члана 151. Пословника Представничког дома Парламентарне скупштине Босне и Херцеговине ("Службени гласник Босне и Херцеговине", број: 33/06, 41/06, 81/06, 91/06, 91/07, 87/09 и 28/12) није предвиђена могућност постављана посланичких питања посланика Представничког дома институцијама Републике Српске, већ искључиво институцијама Босне и Херцеговине (Вијећу министара и др.).

С поштовањем,

Доставити:  
1) Наслову;  
2. А/а.



В. Д. ДИРЕКТОРА  
Предраг Томић





**M O S T A R**



**BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE**

**S A R A J E V O**

Broj: 06-02-39- 1345/14  
Mostar, 12 . 08 . 2014. god.

PRIMLJENO: 17. 8. 2014.			
Organizaciona jedinica	Klasifikaciona oznaka	Radni broj	Broj priloga
01-50-1-15-70/14			

**Parlamentarna skupština Bosne i Hercegovine  
Zastupnički dom**

**Predmet:Odgovor na zastupničko pitanje Zijada Jagodića, dostavlja se  
Veza: Vaš akt broj: 01/a-50-1-15-70/14 od 24. 07. 2014. god.**

Vašim dopisom broj i datum gornji, dostavili ste nam zastupničko pitanje Zijada Jagodića, postavljeno na 70. sjednici Zastupničkog doma Parlamentarne skupštine Bosne i Hercegovine, održane dana 24. 07. 2014. godine.

**Pitanje:**

Obzirom da je u BiH skoro po svim opštinama postala ili sve više postaje praksa da zdravstveni radnici (doktori, specijalisti) raznih profila rade tu istu djelatnost kako u javnim zdravstvenim ustanovama tako i vlastitim- privatnim ordinacijama.

- da li je to zaista radi deficita kadrova ili je to moć pojedinaca pri čemu se ne osvrću na zakon o sukobu interesa?
- Da li se namjerava ta praksa zaustaviti i šta se u tom pogledu namjerava učiniti?

**Odgovor:**

Dana 21.07. 2012. godine stupio je na snagu Pravilnik o načinu, postupku i uvjetima, kao i drugim pitanjima od značaja za organiziranje i obavljanje dopunskog rada zdravstvenih djelatnika u zdravstvenoj ustanovi ili privatnoj praksi („Službene novine Federacije BiH“, broj: 60/12), kojim se uređuje način, postupak i uvjeti, kao i druga pitanja od značaja za organiziranje i obavljanje dopunskog rada zdravstvenih djelatnika u zdravstvenoj ustanovi ili privatnoj praksi.

Člankom 15. Pravilnika je utvrđeno da zdravstveni djelatnici koji su nositelji odobrenja za dopunski rad izdanog na temelju propisa koji su bili u primjeni prije stupanja na snagu ovog pravilnika, dužni su se uskladiti sa odredbama ovog pravilnika, u roku od 24 mjeseca od dana stupanja na snagu pravilnika.



**MINISTAR**

**Prim.dr. Mladen Bošković**

Broj: 01-50-08/14

Sarajevo, 05.08.2014. godine

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
ZASTUPNIČKI DOM/PREDSTAVNIČKI DOM  
SARAJEVO

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO: 6.8.2014.			
Organizaciona jedinica	Klasifikaciona oznaka	Redni broj	Broj priloga
01-50-1-15-70/14			

n/r dr. Milorad Živković, predsjedavajući

Predmet: Poslaničko pitanje –veza Vaš akt broj:01/a-50-1-15-70/14

Poštovani,

saglasno Vašem aktu broj: 01/a-50-1-15-70/14 od 24.07.2014. godine, a u vezi poslaničkog pitanja g-din Zijada Jagodića, želimo Vas izvjestiti kako slijedi:

- Nabavka 2 (dva) aviona tipa ATR 72-212 je izvršena na osnovu Ugovora o finansijskom leasingu iz 2005. godine čija je pojedinačna vrijednost bila 9,2 mil USD;
- Ugovori su djelomično ispoštovani tako što je za njihovu otplatu ostalo još 33 dopjelih i 9 nedospjelih anuiteta na dan 24.07.2014. godine;
- Otplate anuiteta prema povjeriocu „HETA“ d.o.o. Sarajevo (nekada Hypo Alpe Adria Leasing“ d.o.o. Sarajevo) su od strane Uprave JP „B&H Airlines“ d.o.o. Sarajevo, koju su u cjelini sačinjavali predstavnici „Turkish Airlines“-a kao većinskog suvlasnika, a zbog nesporazuma sa drugim većinskim suvlasnikom – Vladom Federacije BiH, obustavljene od 2012. godine. Kao rezultat toga došlo je do neispaćivanja navedenog broja anuiteta, prema povjeriocu koji su trenutno predmetnom dogovora između Vlade Federacije BiH, tj. Federalnog ministarstva prometa i komunikacija i „HETA“ d.o.o. Sarajevo koji će najvjerovatnije rezultirati povoljnim uslovima otplate kroz eventualni reprogram na period od 3 (tri) godine.

S poštovanjem,





BOSNA I HERCEGOVINA  
FEDERACIJA BOSNE I HERCEGOVINE  
Komisija za koncesije Federacije Bosne i Hercegovine  
Sarajevo

PRIMLJENO: 14-07-2014			
Organizaciona jedinica	Klasifikaciona oznaka	Redni broj	Broj priloga
			01-50-1-15-69/14

Broj: 01-1-49-82/14  
Sarajevo, 11.07.2014. godina

BOSNA I HERCEGOVINA  
PARLAMENTARNA SKUPŠTINA  
POSLANIČKI DOM

n/r Dr.sc. Zijada Jagodića; poslanika  
n/r Dr.sc. Milorada Živkovića; predsjedavajućeg Poslaničkog doma

**PREDMET:** Odgovor na poslaničko pitanje, dostava odgovora;

U vezi poslaničkog pitanja uvaženog poslanika dr.sc. Zijada Jagodića koje se odnosi na aktivnosti u vezi preciznije regulacije prenosa koncesionih ugovora na finansijske institucije (kreditore ali i dalje sa kreditora na neko treće lice) obavještavamo Vas sljedeće:

Prema odredbama Zakona o koncesijama („Službene novine Federacije BiH“, broj: 40/02 i 61/06) ugovor o koncesiji se može pod određenim uvjetima (član 29. stav 3, 4. i 5 ) prenijeti na drugog koncesionara uz saglasnost Komisije za koncesije Federacije BiH. Ova saglasnost nije potrebna u koliko koncesionar nije ispunio preuzetu obavezu prema međunarodnoj finansijskoj instituciji čiji je član Bosna i Hercegovina.

Međutim, prema odredbama istog zakona koncesionar može biti samo privredno društvo koje ima registrovanu djelatnost koja se obavlja putem koncesije, tako da koncesionar ne može biti finansijska institucija.

Kako ni navedena odredba, a ni druge odredbe Zakona o koncesiji nisu bile precizne i jasne, te obzirom da su se mnoge društvene situacije od 2002. godine, kada je donesen Zakon, izmjenile, to je Komisija za koncesije Federacije BiH insistirala na izmjenama i dopunama Zakona ili na donošenju novog. Slijedom toga Vlada Federacije BiH je sačinila Prijedlog novog zakona o koncesijama i isti se nalazi u parlamentarnoj proceduri od 2012. godine. Usvojen je od strane Zastupničkog doma, a Dom naroda Parlamenta Federacije BiH o njemu nije ni raspravljao (još uvijek nije stavljen na dnevni red).

U prilogu Vam dostvaljamo izvod iz Prijedloga zakona o koncesijama gdje su u članu 38. i 44. predložena odredbama rješenja u slučaju ustupanja ugovora o koncesiji i zamjene koncesionara.

S poštovanjem!

**PREDSJEDNIK KOMISIJE**

dr.sc. Šefik Koričić

**Dostavljeno:**  
- Naslovu  
- a/a Komisije



- 2) zalog nad prihodima od, i potraživanjima koja koncesionar ima po osnovu korištenja infrastrukturnog objekta ili usluga koje on pruža.
- (2) Uz ograničenja koja mogu biti predviđena u ugovoru o koncesiji, dioničari koncesionara imaju pravo da založe ili kreiraju drugo jamstvo svojim dionicama u kompaniji koncesionara.

Član 38.

**(Ustupanje ugovora o koncesiji)**

- (1) Osim ako je to drugačije propisano članom 37. ovog Zakona, prava i obaveze koncesionara iz ugovora o koncesiji ne mogu biti ustupljene trećim stranama bez saglasnosti ugovornog organa.
- (2) Ugovor o koncesiji utvrđuje uslove pod kojim će ugovorni organ dati svoju saglasnost na ustupanje prava i obaveza koncesionara iz ugovora o koncesiji, uključujući prihvatanje svih obaveza sadržanih u ugovoru od strane koncesionara i dokaz o tehničkoj i finansijskoj sposobnosti, prema potrebi, za pružanje usluge od strane koncesionara.

Član 39.

**(Prijenos kontrolnog udjela)**

Osim ako je drugačije uređeno ugovorom o koncesiji, kontrolni udjel koncesionara ne može biti prenesen na treće strane bez saglasnosti ugovornog organa. Ugovor o koncesiji utvrđuje uslove pod kojima će ugovorni organ moći dati tu saglasnost.

Član 40.

**(Upravljanje infrastrukturnim objektom)**

- (1) Ugovor o koncesiji će, po potrebi, odrediti obim u kojem je koncesionar u obavezi da osigura:
  - 1) promjene usluge kako bi se zadovoljila potražnja za uslugom;
  - 2) kontinuitet usluge;
  - 3) pružanje usluge pod suštinski istim uslovima svim korisnicima;
  - 4) nediskriminirajući pristup, po potrebi, drugih pružalaca usluge bilo kojoj javnoj infrastrukturnoj mreži kojom upravlja koncesionar.
- (2) Koncesionar ima pravo da izda i sprovođi pravila koja uređuju korištenje infrastrukturnog objekta, što je predmet odobrenja ugovornog organa ili regulatornog tijela, koje se može dati po potrebi.

Član 41.

**(Nadoknada za specifične promjene propisa)**

Ugovor o koncesiji određuje obim u kojem koncesionar ima pravo na nadoknadu u slučaju da su se troškovi koncesionara u izvršenju ugovora o koncesiji značajno povećali ili da se vrijednost koju koncesionar prima za to izvršenje značajno smanjila, u poređenju sa troškovima i vrijednosti izvršenja koji su izvorno predviđeni, kao rezultat promjena propisa koji se konkretno primjenjuju na infrastrukturni objekat ili usluge koje pruža.

Član 42.

**(Revizija ugovora o koncesiji)**

(1) Ne dovodeći u pitanje član 41. ovog Zakona, ugovor o koncesiji određuje obim u kojem koncesionar ima pravo na reviziju ugovora o koncesiji sa ciljem pružanja nadoknade u slučaju da su se troškovi koncesionara u izvršenju ugovora o koncesiji značajno povećali ili da se vrijednost koju koncesionar prima za to izvršenje značajno smanjila, u poređenju sa troškovima i vrijednosti izvršenja koji su izvorno predviđeni, kao rezultat:

- 1) promjena u ekonomskim ili finansijskim uslovima; ili
- 2) propisa koji nisu konkretno primjenjivi na infrastrukturni objekat ili usluge koje pruža;
- (2) Revizija ugovora o koncesiji zbog uslova iz stava 1. ovog člana može se izvršiti:
  - 1) ako se dogode nakon zaključenja ugovora o koncesiji;
  - 2) ako su izvan kontrole koncesionara;
  - 3) ako su takve prirode da se od koncesionara ne bi moglo opravdano očekivati da ih je uzeo u obzir u vrijeme pregovaranja o ugovoru o koncesijama ili da ih je izbjegao ili prevazišao njihove posljedice.
- (3) Ugovor o koncesiji određuje postupke za reviziju uslova ugovora o koncesiji po dogaćanju bilo kojih promjena iz stava 2. ovog člana.

Član 43.

**(Privremeno preuzimanje infrastrukturnog objekta od strane ugovornog organa)**

Pod okolnostima predviđenim u ugovoru o koncesiji, ugovorni organ ima pravo da privremeno preuzme upravljanje infrastrukturnim objektom u svrhu osiguravanja efektivne i neprekinute realizacije usluga u slučaju ozbiljnog neuspjeha koncesionara da izvrši svoje obaveze i da ispravi prethodni u razumnom vremenskom periodu nakon što mu je ugovorni organ dao obavijest da to uradi.



**(Zamjena koncesionara)**

- (1) Po zahtjevu koncesionara, a na prijedlog Komisije, ugovorni organ ne može bez razloga odbiti da pruži svoje pismeno prihvatanje za sklapanje direktnog sporazuma sa finansijskim institucijama i koncesionarom u cilju da se osigura ili izvrši prijenos dionica kapitala koncesionara na drugo pravno lice ili izvrši ustupanje ugovora o koncesiji pravnom licu imenovanom da obavlja posao u okviru postojećeg ugovora o koncesiji u slučaju kršenja odredbi ugovora o koncesiji od strane koncesionara koji bi u suprotnom omogućio ugovornom organu da raskine ugovor o koncesiji.
- (2) Bilo koje odbijanje ugovornog organa da sklopi direktni sporazum mora biti pismeno saopćeno finansijskim institucijama i koncesionar, sa objektivnim razlozima, u periodu ne dužem od 30 radnih dana. Izvršenje direktnog sporazuma će se realizirati u roku od 60 radnih dana od datuma prihvatanja ugovornog organa da sklopi direktni sporazum.
- (3) Ugovor o koncesiji i/ili direktni sporazum sa finansijskim institucijama će predvidjeti barem sljedeća pitanja:
  - 1) okolnosti pod kojima je finansijskim institucijama dozvoljeno da prenese dionice kapitala koncesionara ili zamjene koncesionara;
  - 2) procedure za zamjenu ili ustupanje;
  - 3) razloge za odbijanje predložene prijenosa ili zamjene od strane ugovornog organa koji mora biti zasnovan na objektivnim kriterijima sličnim tehničkim i finansijskim standardima kakvi su primijenjeni prilikom odabira izvornog koncesionara;
  - 4) obaveze novog koncesionara da zadrži radove koje treba obaviti i usluge koje treba pružiti po istim standardima i pod istim odredbama i uslovima traženim ugovorom o koncesiji.
- (4) Postupak javnog odabira se neće primjenjivati na prava koja se odnose na preuzimanje koncesije od strane finansijskih institucija. U bilo kom slučaju, zamjenski koncesionar ili zamjenski vlasnik koncesionara mora ispuniti osnovne minimalne predkvalifikacione kriterije odabira, ukoliko ih ima, predviđene u proceduri za prikupljanje ponuda koja se odnosi na taj koncesioni projekat ili bilo koje druge kriterije utvrđene ugovorom o koncesiji i/ili direktnim sporazumom.
- (5) Prijenos svih dozvola i odobrenja koje posjeduje koncesionar na zamjenskog koncesionara neće biti neopravdano odbijen ili odgođen, ukoliko se takav prijenos zahtjeva u okviru postojećih dozvola ili odobrenja.
- (6) Ugovor o koncesiji i/ili direktni sporazum će navesti modalitete za pomoć od strane ugovornog organa zamjenskom koncesionar u vezi sa prijenosom svih dozvola i odobrenja koje posjeduje prethodni koncesionar.

**(Trajanje i produženje ugovora o koncesiji)**

Rok ugovora o koncesiji se određuje u samom ugovoru, a na osnovu studije opravdanosti. Ugovorni organ nije obavezan da prihvati produženje trajanja ugovora, osim u slučaju sljedećih okolnosti:

- 1) kašnjenja u okončanju ili prekid rada zbog okolnosti koje su izvan razumne kontrole bilo koje od strana;
- 2) obustave koncesionog projekta izazvane aktima ugovornog organa ili drugih nadležnih organa.

**(Raskid ugovora o koncesiji od strane ugovornog organa)**

Ugovorni organ može raskinuti ugovor o koncesiji:

- 1) u slučaju da više nije moguće opravdano očekivati da će koncesionar biti u mogućnosti ili spreman da izvrši svoje obaveze, zbog insolventnosti duže od šest mjeseci, ozbiljnog kršenja ugovora ili drugog razloga, kako je određeno ugovorom o koncesiji;
- 2) iz uvjerljivih razloga javnog interesa, uz plaćanje nadoknade koncesionar, gdje će uslovi nadoknade biti dogovoreni u ugovoru o koncesiji.

**(Raskid ugovora o koncesiji od strane koncesionara)**

Koncesionar može raskinuti ugovor o koncesiji samo pod sljedećim okolnostima:

- 1) u slučaju kršenja ugovornih obaveza u vezi sa ugovorom o koncesiji od strane ugovornog organa ili drugog nadležnog organa;
- 2) ukoliko su uslovi za reviziju ugovora o koncesiji prema članu 42. ovog zakona ispunjeni, ali se strane nisu uspjele dogovoriti o reviziji ugovora o koncesiji; ili
- 3) ukoliko su se troškovi koncesionara u izvršenju ugovora o koncesiji značajno povećali ili se vrijednost koju koncesionar prima za to izvršenje značajno smanjila kao rezultat akata ili propusta ugovornog organa ili drugih nadležnih organa, u skladu sa članom 31. stav 1., tač. 8. i 9. ovog Zakona, a da se strane nisu uspjele dogovoriti po pitanju revizije ugovora o koncesiji.

